

APOLLINEM SVVM
 PHOEBEVM ADSCENDENTEM CVRRVM,
 VIRO,
 PER-MAGNIFICO, GENEROSO MAXIMEQVE
 STRENVO DOMINO,
 DOMINO
CHRIST. FRID.
RAMSEY,

LEGATO PRÆSIDIS VPILLORVMQVE ANTISTITE
 HACTENVVS GRAVISSIMO MERITISSIMO,
 GVBERNACVLA REIPVBLICAE

A. R. S. MDCCXLVIII d. 26 MARTII
 VOTIVOS INTER OMNIVM ORDINVM APPLAVSVS
 CAPESSENTE FELICITER,

PIA NEC NON SVBMISSA VENERATIONE
 ADORANT,

MUSÆ ELBINGENSES,

VERBIS PRÆEUNTE

M. JACOBO WOIT

PROF. ORD. MATHEM.

ELBINGÆ, LITTERIS PREUSSIANIS.



Huc vultum,
huc verte lumina
ELBINGA!

Novum intueri spectaculum,
non in orbe, sed TUA in urbe,
non in polo, sed TUO in solo.
Novus TIBI exoritur PHOEBUS,
non Mythologorum fictus, sed DEI munere datus.

Exsurgit Patriæ e Prytaneo
Patrio ut præluceat Orbi.

Quid hoc?

SOL Candoris, Comitatis, Prudentiæ,
Verbo;

VIR

Stemmata æque ac Virtutibus Inclutus

Solum Justitiæ occupat

ex quo radios vibrat,

virori & vigori TUO lumen, calorem, futuram suppeditaturus.

Circumspicis?

En!

RAMSEY TUUS PER-MAGNIFICUS
fascis securesque gesturus *Phœbeum* penes TE conscendit
Currum.

Dico satis:

Est *Præses* Reipublicæ, quod Sol Olympo.

Eminet super omnes, immineat ut omnibus;
novum quotidie emittit jubar, nihil quicquam amittit antiqui;

Legit *Eclipticam*

æqualibus & summos & imos illustraturus recreaturusque radiis

transit *Æquatorem* æquus semper *Justitiam* inter *Clemen-*
tiamque arbiter;
appropinquat ad *Perigæum* paratior ad veniam resipiscentibus;
recedit ad *Apogæum* tardior ad pœnam obstinatis;
Spectatur in *Conjunctione* cum **SIDERIBUS** *Firmamenti*
Nostri **SPLENDIDISSIMIS**,
conjunctis consiliis, conjunctis viribus,
ingruentes irruentesque propulsurus procellarum turbines;
duplicat nitorem, distabescente nimbo reliquos quo dissipet
turbarum vapores.

Omnibus ergo **PATRIA** incede lætitiis!

Fulgebit **TIBI PHOEBUS**

RAMSEY MAXIME STRENUO

Reipublicæ tractante *Clavum*;

Ascendit *Curram* a quo nullæ metuendæ *Declinationes*;

Eminet in *Zodiaco* promittens *Clementiæ* candorem,
quem e statione altissima perpendiculariter undique
ejaculabit sine obliquitate,

ut a *Centro* *Justitiæ* ad *Peripheriam* inflictæ pœnæ
& omnia dicta & ducta invicem sint æqualia,
medius *Virginem* inter & *Libram*,
documento certissimo:

virginea integritate fasces *Præsidii* iri tractatum,
ut lanx excessum inter & defectum perpetuo mediet.

Probe callens,

nihil pulchrius, quam subditos amare,

nihil utilius, quam subditis amari:

hoc est,

mutuum inter Imperantes & parentes amorem
inexpugnabile *Societatum Civilium* esse munimentum.

Quis itaque frui non cupiat propius hocce **SOLE**?

En!

confluunt certatim

Incolæ, *Accolæ*, *Concolæ*,

novo hoc ut calefiant *Lumine*;

vota faciunt, damnentur ut votis.

Applicant sese iis **MUSÆ PATRIÆ**

APOLLINEM SUUM noviter orientem

conjunctis adorantes plausibus;

adolent victimas *Persarum* more altaribus,

non quidem auro ductis,

ast in cordium penetralibus erectis,

VIR PER - MAGNIFICE,
qvi *Radium* faventem impertis omnibus, ipsum qvi deneges
MUSIS?

Sine scelere tacere non possunt, nec sine culpa loqvi.

Spartæ TUÆ dignitas

& fontes facit & infontes,

crimen fuerit tam tacere quam loqvi velle,

utut facultas desit.

Gratulamur TIBI FULGIDE APOLLO,

affatu quidem brevi ast effectû prolixiori,

Currum Phœbeum quem conscendisti feliciter,

DEo duce,

carpe viam dudum TIBI destinatam,

prudenti jamjam PATRUM PATRIÆ Consensu refe-
ratam;

emetire iter, quod *Cives* faustis TIBI pandunt acclama-
tionibus;

decurre stadium in quo MUSÆ plaudente TE prosequun-
tur devotione;

ascende altius in *Ecliptica* TUA ut luceas splendidius;

exulent *Maculae* & *Faculae* TUUM occœaturæ jubar;

nullæ ferales turbarum *Cometae* TUAMinterturbent *Orbitam*;
effulge conspicuus sine *Eclipsi*.

Verbo:

Omnigenæ sis semper felicitatis in *Nodo*.

